

# 北洋官報

目錄

宮門抄 上諭 交旨  
 奏議○續憲政編查館奏核覆各衙門九年籌備未盡事  
 宜摺△又奏派充提調摺△又奏派員出洋考察財政  
 片△度支部奏核覆北洋陸軍各學堂營隊用款片  
 公牘○督憲札一件△天津商會稟一件△董事會申一  
 件△沙河縣稟一件△江督札一件  
 文告四則△電報七則△新聞十則  
 電稿○浙江路議局議案預備會調查子目△江甯自治  
 局及各屬辦事次序表

本局第一百十二期 法政學報 現已出版

## 宮門抄

八月十九日 禮部 學部 正紅旗值日 禮部引 見四十六名 正藍漢引 見二名 火器營引

見二十名 內務府引 見十一名 慶王因子署缺謝 恩 振貝子署缺謝 恩 麒德請

假五日 延康續假五日 禮部奏改派 景陵神牌還位 派出炤公 召見軍機 變通旗制

處遞封奏一件

## 上諭

八月十九日內閣奉

上諭奉天興鳳道員缺著趙臣翼補授欽此

## 交旨

八月十九日 軍機大臣欽奉

諭旨變通旗制處會同軍機大臣奏遴派提調一摺又奏請由部撥給辦公經費一片均著依議又奏請刊刻木質

關防一片知道了欽此

昨報恭錄本月十八日奉

旨溥偉現在穿孝旬因照原鈔誤作現在丁憂合亟更正

### 奏議錄要

憲政編查館會奏核覆各衙門九年籌備未盡事宜繕單呈覽摺 (續昨報)

法部 查司法獨立爲立憲國惟一之主義該部原奏除按照籌備原單開列外如改良監獄編訂法官懲戒暨進級各章程編訂登記章程籌辦京師外城地方審判檢察廳各節均屬司法要鍵惟籌辦模範監獄僅及京師恐各省相距遼遠未能悉來取法應酌定年限令各省一律籌辦以期周徧又法官懲戒章程與吏部所奏增刪承審事件處分則例相同吏部奏稱會同法部辦理應令該部與吏部同辦以免兩歧惟法官亦屬文官懲戒章程本包於任用章程之內該部所訂懲戒進級各章程應令作爲暫行辦法俟臣館與會議政務處議定文官各章程頒布實行時悉歸文官各章程辦理又登記章程係與民商戶籍各法相輔而行各項專律未頒以前此項章程應由該部會同民政部度支部農工商部編訂奏交臣館覆核俟頒布後亦宜酌定京師及各省推廣辦法以期實行其籌辦之期均查照籌備原單內直省審判廳成立年限辦理又京師外城地方審判檢察廳該部原擬係參照內外城巡警廳制辦理惟查該部自光緒三十三年奏設京師內城地方審判檢察廳以來兼理外城民刑訴訟尙覺力能並舉本年復經奏增庭數已無人少事煩之慮且該管案件刑事係在徒罪以上民事係在二百兩以上比之初級究屬煩簡不同應令照舊於內外城併設一廳毋庸另行籌辦以節財力而歸統一其餘單開各項事屬應辦仍由該部查照原奏依限妥籌辦理 法律館 查該館應辦之事爲修改頒布新刑律頒布法院編制法核定頒布民律商律刑事民事訴訟等法典均已列入立憲籌備原單自應遵照年限按期籌辦此外惟新刑律未經頒布以前先行編訂現行刑律爲目前要圖業經臣館會同法部議准由該館修訂應令查照原奏迅速辦理 大理院 查該院爲全國最高法院乃立憲國實行憲政重要之地法廷規制爲觀瞻所繫審判人才爲民命所關該院所奏建築法廷練習人才兩端均屬切要之圖應令該院按照前後所陳認真辦理 農工商部 查中國與各國通商以來

外貨輸入漏卮無算及今不圖振興實業小民生計有日趨窮困者該部原奏所分調查籌議興辦編制四端不爲無見惟籌議開墾及林業在第二年而實行則遲至第六年興辦各處商會既屬第三年而設立商律講明所直遲至第八年劃一度量權衡京都暨各省會各商埠定於第三年而推行於各廳州縣又遲至第九年此中距離不無太遠應令該部酌核更定其商業登記章程亦應由該部會同司法部等衙門編訂奏明辦理至中國實業所以腐敗率由才智之士以茲事爲卑賤而廁身農工商者又多智識薄弱之人以至日言保護日言提倡率難見功爲今之計惟有選派多數學生留學歐美分肄實業各科俾技能精進思想發達回國將其所學見諸施行方收實效現在各省各邊農業林業待興正多應由部商明各省或酌擇學成各人員分投試辦以驗實蹟或催令開闢田礦種植樹木以濬利源此爲百務之本必實業發達而貨產乃能充盈國民乃能富庶籌備憲政費用乃不致爲難是又在該部於培植人才振興實業加之意已 郵傳部 查補助實業轉輸軍務則輪路電郵無一不關要政即無一不在籌備之列考核該部原奏如路政電政按年規畫極見詳備惟於船郵二政猶付闕如查輪船招商局現已奉旨專歸該部管轄自屬責無旁貸至如理船廳之劃分權限航路航業之推廣組織商船學校之豫儲人才皆其所應籌備者即郵政之附屬稅務司本在未設專部以前風氣未開暫歸兼轄今既有專官自應責成該部堂官會商稅務大臣籌備收回方法以符名實而清權限至清單籌備郵政內叙及某年籌辦某省電燈此爲營業性質無關交通要政應設與否以商埠之盛衰爲斷似可無庸議及 理藩部 查蒙藏回疆雖各自爲風氣要皆隸我版圖則鞏固邊陲實豫備憲政不可緩之舉該部原奏所籌備者先從已有之王公台吉已列縣治之士著豫定議員額數此自爲保護藩屬之權利起見其餘事件據稱所設調查編纂兩局卽爲籌備基礎惟查光緒三十二年十一月間理藩部奏准核議該部大概情形摺內聲明緩設殖產邊衛兩司擬由理藩部先行調查三十三年六月間該部於酌擬司員各缺摺內聲明設立調查編纂兩局爲將來添設兩司之基礎此次摺內該部仍以調查爲詞查各立憲國於經營藩政皆以拓殖爲本計三十二年王大臣釐定該部官制奏案於殖產邊衛兩司列明職掌如蒙地開墾林業畜獵織造皮毛骨角路礦漁鹽學務商務等皆爲不可緩之圖該部現已調查數年雖不能概責詳備諒必已稍有端倪邊遠卽驟難考求近邊如內蒙古諸盟阿拉善額濟納等蒙部亦豈竟一無所得擬併請 飭令

先將近年調查情形詳晰認真籌畫具奏免致年復一年仍無措置此關於藩政要圖不能不亟爲籌及者也

又奏派候補內閣學士李家駒充提調摺

奏爲遵員派充提調恭摺具陳仰祈 聖鑒事竊臣館爲憲政總匯之區刻期籌備事務殷繁現復奏設考核專

科專司考核內而各部院衙門外而各省督撫所有分年籌備事宜統歸臣館考核責任尤重亟應增設提調一員

協同經理茲查有內閣學士李家駒新由日本考察憲政回國於憲政源流利弊考究詳明頗有心得臣等公同商

酌擬請 旨派爲臣館提調如蒙 俞允卽由臣等欽遵知照該員到館任事以資臂助仍照案在臣館續派

提調達壽之次合併陳明所有遵員派充提調緣由謹恭摺具陳伏乞

皇上聖鑒謹 奏宣統元年八月十四日奉 旨已錄

又奏總務處總辦出洋考察財政片

再據臣館總務處總辦丁憂安徽布政使連甲呈稱財政爲憲政基礎職歷官山東山西福建安徽等省竊見中國

財政頭緒紛繁節目疏闊或須統計或待清釐非經互證參觀恐辦理終無依據擬自備資斧親赴日本及歐美各

國盡心考察財政稍有見聞隨時呈備采擇等語理合據情代 奏如蒙 俞允卽由臣等飭知遵照辦理所有

臣館總辦呈請自備資斧出洋考察財政緣由謹附片具陳伏乞 聖鑒謹 奏宣統元年八月十四日奉

旨已錄

度支部奏核覆北洋陸軍各學堂營隊蓋造房間等用款片

再據前署直隸總督北洋大臣那桐奏北洋陸軍各學堂營隊蓋造房間購買地基各項用款一摺宣統元年六月初六日奉

硃批該部知道欽此欽遵由內閣抄出到部並據該大臣造具前項清冊咨部核銷前來臣等督飭

司員按冊查核舊管無項新收光緒三十二年分北洋陸軍學堂報銷案內撥支湘平銀三十萬兩核與該年學堂

案內撥支銀數相符開除湘平銀三十一萬七千三百六十六兩六錢九分一釐內除陸軍部核銷銀三十一萬二千

八百九十四兩三錢九分應由陸軍部自行核辦外計臣部應銷馬醫院用地二十畝價銀二百八十兩講武堂用

地一頃六十二畝五分三釐三毫價銀一千三百八十一兩五錢三分五毫學兵營及槍靶場用地三頃二十九畝

九分七釐三毫價銀二千八百四兩七錢七分五毫共支銀四千四百六十六兩三錢一釐按册核算並查與立案單開數目相符應准開銷實在不敷湘平銀一萬七千三百六十兩六錢九分一釐據稱業已另行撥補臣部按四柱核算實在不敷銀數並查與光緒三十三年學堂經費册報開支找領數目均屬符合自應准其撥補所有核覆北洋各學堂營隊蓋造房間購置地基用款緣由謹附片具陳伏乞 聖鑒謹 奏宣統元年八月初八日奉 旨知道了欽此

### 公牘錄要

督憲端准吏部咨實缺候補人員任卸調署差委統計表限明年二月送部札飭司道遵照文  
為札飭事宜統元年七月二十七日准 吏部咨開文選司案呈所有本部遵 旨妥議立憲籌備事宜開單呈

覽一摺於宣統元年閏二月二十七日具奏本日軍機大臣欽奉 諭旨吏部奏妥擬籌備事宜按年開列繕單呈覽一摺著憲政編查館知道欽此欽遵在案查單開宣統元年應辦事宜內稱行令各省造送各項實缺人員任卸調署統計表各項候補人員差委入學統計表全年所見員缺及請補人員統計表均限於次年二月內到齊以上一條應即以本年為始嗣後按年一造等語應即通行各省按照單內開列各項分別造具統計表於宣統二年二月內一律咨送到部並嗣後按年按期照造送部以備查核事關憲政相應咨行貴督欽遵辦理可也等因到本督部堂准此除分行外合行札飭札到即便遵照辦理此札

### 天津商會稟津海關道請函致新關劃一徵稅文

敬稟者現准高陽商務分會牒稱竊高陽自提倡織紡改良土布推廣實行銷路日暢土布運售天津前蒙海關道憲優加保護通飭關卡高陽土布每疋五丈按二分五完稅並准分會發給憑照驗行有所稽考通行在案而關卡商民遵行恪守土布來津運銷無滯難之處商民亦無偷漏影射之弊殊覺甚便然高陽土布極行推廣日增月益遠近招徠廣開銷路方能擴充實業現在高陽土布運售奉省之營口吉林之濱江經過天津在鈔關納稅即過新關均屬津關釐卡土布本係內地提倡織紡擴充銷路抵制外貨稅不重徵格外優恤如出口之土布已在鈔關納稅而新關應如何優恤放行之處通行立案俾得關卡有劃一之徵商民庶免重稅之弊關稅商民兩有裨益職分

會爲提倡工藝振興商業起見爲此具牒懇祈總會憲轉詳海關道憲核定立案通飭新關稅司分卡一體遵行理合備牒呈請鑒核伏乞照詳批示祇遵施行等因查該分會牒陳各節係爲振興實業擴充銷路起見應否准如所請請以免重徵之處理合稟請憲台查核轉致新關稅司議覆飭遵實爲公便肅具寸稟恭叩助安伏乞垂鑒  
天津海關道蔡 批來稟閱悉仰候函致新關稅司核辦見覆再行飭遵此繳

天津縣董事會申直隸漁業公司文

爲申請事案准天津縣議事會函開啓者天津一縣自設立全省漁業公司以來所收漁稅爲數想必不貲擬請貴會逐細調查徵收漁稅辦法全年所收數目約計若干並是否與差徭相同務希詳細查明見覆以憑敝會核議等因准此事關自治調查事宜應請飭將徵收漁稅辦法及全年所收數目詳細見示以憑轉覆實爲公便爲此備文申請貴公司查照見覆盼切施行須至申者

沙河縣雷令其源稟遵飭設立巡警教練所開辦日期文並批

敬稟者竊查前奉警務處札飭令將巡警傳習所遵照 部章改爲教練所並發章程規則等因伏思巡警爲內政要端保安民居關係極重若不認真教練非特無益而且有損卑職隨於本年閏二月間邀集巡官警董商議以原有城內巡警傳習所一處照章改爲教練所仍請原教之大名警務畢業生孫占彪作爲教員惟傳習所規模過狹是以遷居城內西大寺房屋寬敞於閏月二十六日開辦每班以五十名爲率而卑縣原設巡警二百名因抽調五十名教練誠恐不敷巡防所有學生在於巡警中正額內抽調二十名外招新生三十名入所肄業以後輪班教練總期陶育成才諸臻完備至該教員薪水各學生津貼飯食以及所內夫役工食概由總局開支溯自開辦教練所以來業已數月程度不致參差教法亦加講求以仰副 憲台慎重警察之至意除俟教練六個月期滿稟請派員考驗外理合稟請查核俯賜批示立案實爲公便  
督憲端 批據稟已悉仰警務處查照飭知此繳

江督張札飭各屬遵照監理財政官擬訂清理財政辦法六條辦理文附辦法

爲通飭遵照事宜統元年七月十四日准江甯監理財政官景管梁函開奉 派監理此邦財政到省計三個月

矣今已屆秋各署局春季報冊造送到局者尙不及十分之五雖經部奏展限而三個月之期轉眼卽至况以秋季而兼辦春夏兩季之事卽使各署局尅日彙送審核編輯尤慮屆期不克蒞事設再玩延其曷有濟茲事爲憲政要圖限期又係奏定雖逾限處分自有攸歸而頤等旣司稽察兼任督催亦決不能作秦越之視到局後業已迭次敦催矣惟事旣非所兼綜計或窮於呼應切實籌辦是不能不望於主持綜攬者比聞廣東財政清理就緒春季報冊早已告成仰見盡畫周詳故能成功迅速上企風規莫名欽佩願粵東之要政方新而江左之大端待理擬請嚴飭在局各司道凡關於清理應辦各事認真籌辦上緊督催以祛從前因循敷衍諸弊則各署局有所觀感當不至任催罔應矣此外應行籌議之件甚多附呈清摺一扣卽祈飭下酌擬施行等因並摺一扣到本部堂准此除通飭遵辦外合行札飭札到卽便遵照依限趕緊辦理毋再玩延並各按摺開事宜遵辦詳覆切切特札

附錄監理財政官擬定清理財政辦法六條 一江南官場積疲已久設局清理以來有延不造報者有含混不實者不報者無論矣其造報含混者一經駁查往返動逾旬月若不嚴定功過將清理終無觀成之時擬請飭局集議其如限造報冊列詳明者由局詳請記功其延不造報及造報含混者由局詳請記過記大過其任意逾限者卽照部頒清理章程第三十條憲政編查館增訂則由局稟請將該管官員分別撤去差任 一宣統元年二月底支部奏擬清理財政辦事章程摺開各衙門局所向來開支各款查有可裁可減之處務須覈實摺節庶試辦預算得所措手而清理財政亦可冀收實效等語查江南事繁用鉅其萬不可省者固多而應裁應併之局所濫用濫支之款目以及應裁汰之員司應刪減之費用亦比比皆是際此財政困難若非大加整頓力爲摺節常此入不敷出大局何堪涉想擬請鈞座毅力獨斷於局所之應裁者裁之應併者併之並飭下各局所總辦等切實淘汰務使款不虛糜人無冗濫則節流正所以開源也 一清理財政章程第五條內開各省出入款項截至光緒三十三年年底止作爲舊案各省舊案未經報部者分年開列清單併案銷結等語又宣統元年正月度支部奏准各省舊案未經報部者分案據實開造詳細清單限於宣統元年十二月以前陸續送部核銷各等語查三十三年以前之舊案乃三十四年現行案之根據而亦清理財政之始基江南延未報部之案較各省爲多年底之限轉瞬卽至擬請飭下各署局從速開報並令將開報之單另送清理財政局以備考核 一兩淮鹽務近四五年未辦奏銷查光緒三十

一年五月度支部奏准行令淮南各岸局自三十年起以鐵大臣查辦報存銀數爲主按照查辦單式將運鹽銷引數及正雜款銀數分岸開單奏報其二十九年課釐加價由鹽政核明總數具奏免造細數准北戊己庚辛壬癸六綱起訖日期並海分司五河正陽兩局舊管銀數由鹽政澈底詳查亦按照查辦單式分綱彙奏並令接報甲辰綱奏銷均照此辦理等因在案嗣因閱時已久未據奏銷復經度支部於三十三年十二月三十四年六月先後咨催兩江總督轉飭兩淮運司迅即遵辦彙案奏報又在案迄今又閱年餘仍未照辦此次遵照奏章將三十三年以前舊案如限銷結兩淮各署局三十三年以前歷來未辦奏銷自應一律辦理應請鈞座分飭兩淮運司暨各岸局卡查照度支部三十一年五月行知奏案並三十三年十二月三十四年六月兩次咨案內開事理迅將三十三年以前未經報部及未經完結各案如限開單詳請奏報銷結並將各單另繕一分送清理財政局備核 一兩淮財政積壓糾葛清理殊難就中尤以鄂岸督銷局准北海分司爲最頤等曾接鄂岸督銷局總辦李道葆恂撰送說略瀝陳該局造報之難似爲屆期貽誤卸責地步微聞該局前數任交代猶有未辦結者惟說略則未言及海分司本年春季報冊已到局惟正二月冊舊管實在兩柱俱無銀數據稱上任袁分司交代冊未准移交無憑結算等語頗聞海分司未辦交代者亦不止袁任云夫鹽務以奏銷爲考成而奏銷又以交代冊爲根據乃兩淮奏銷可攔四五年而不辦交代遲逾至閱兩三任而不結固覺不成事體况甲任之交代未清乙任無從造報一局之報冊不到即各局不能彙編轉瞬屆限報告冊不克送部阻擱預算致誤憲政誰職其咎應請鈞座立飭查明海分司暨鄂局以前交代未清之員現有差缺者先暫撤任嚴札勒限將交代刻日辦結隨責成現任將應辦之件如期妥辦送局倘仍前延玩則咎有所屬即行照章分別奏辦並請通飭兩淮各署局有似此情節者一律辦理 一清理財政章程第十一條內開自宣統元年起各省文武大小衙門局所應將出入各款按月編訂報告冊送清理財政局由局彙編全省報告總冊按季呈由督撫咨報上季報告冊限於下季到部等語查甯省自藩司以下文武大小衙門局所業由局分別行催在案督署應造各冊擬請飭承自本年正月月起以次趕造札發到局以便彙編詳請咨部

### 文告錄要

督憲批示錄要○運司詳商人元泰興借用洋槍准大名鎮咨覆由 批如詳准其借領他處不得援以爲例仍飭

該商迅速購買即行歸還仰即移覆諭遵再此項槍枝究有若干并由司移會大名鎮報查此繳○署永年縣解茂椿詳覆遵飭將緝私局扣買蘭芳硝車驟馬驗明退還由 批據詳已悉仰運司查照飭知詳抄發此繳

藩台批示○署任邱縣典史蔣士楨調辦

東陵大差遺缺委試用典史徐延熙暫行代理

藩台批示○新安歸併安州文生鄧紹周呈 批此案業經保定府委員前往該處會同安雄兩牧令查勘得該地墮道濠抱角濠均無形跡可驗且係一片水地即安雄兩境界限亦無從分辨究應如何劃分管業實難措手惟查前經中人陳錫光等調處時按兩造所指中間堆磚爲界尙出公允緣該生前既並未聽處纏訟不已即勸令李小丑等再往磚堆之東略爲退讓李小丑等因爭訟日久拖累不堪均願遵斷是此案本可藉此分定限界兩無侵擾以息訟端乃該生堅欲以西張家塹之地再令退讓二三十畝以足一己之數殊屬狡執太甚該生係讀書明理之人當知吃虧即屬便宜息訟即是勝訟此等事項各以謙讓存心方易了結若得步進步貪多無厭恐所欲未遂徒以增累該生又何不思之甚也候即分飭安州雄縣迅即定期會同前往該處仍在堆磚所傳令李小丑等照原斷往東畧爲退讓眼同訂立界石各管各業以杜訟端如該生再妄行爭執定即從嚴懲辦弗稍寬貸此示

附錄天津官事○督憲率同通城現任司道府廳縣暨各局所督辦總會辦於十八日午後一點鐘在本署會議廳開議一切新政事宜

## 電報錄要

路透電○奧皇以聖利歐巴德十字大勳章贈與日本駐奧公使內田氏

又電○德國北德輪船公司報告今年半年共得餘利二十五萬鎊去年共賠三百五十萬鎊

柏林電○美國赫洛頓地方舉行大會時德國海軍大將克斯德氏甚稱讚美國大西洋艦隊遊歷太平洋之事聞該處舉行快艇賽駛會維多利亞魯易士快艇獲勝

又電○德國撒克遜聯邦內部大臣赫漢薩洛伯爵逝世

又電○俄皇擬於西十月八號在利瓦的亞地方接見土耳其國專使由土國外部大臣帶領

又電○土皇因德國軍隊佔據非洲蘇丹之瓦岱地方極力反對

又電○俄國探險隊函致俄京森洛扎報謂伊等現尋獲經過克蘭布德(在巴田德海)與喀拉海中間之便路又克蘭布德探出煤苗并擬在該處設立捕魚之站

### 新政紀聞

政治

蘇省自治公所會議紀略○蘇垣長元吳城廂自治籌備公所初八日在元妙觀方丈內邀請長元吳三大令暨各路長區長蒞所會議調查方法先由潘君承經講解選民入冊釋疑簡則(簡則續錄)及現訂暫行調查章程並請各區長趕速遴委調查員到所給證定於十六日始實行調查以一月為止嗣副所長蔣君季和因此次諮議局被選副議長勢難兼顧自請辭退另舉當經議定於十三日開會重行公推惟是日有某路路長擬照官場舊例管領各區長幾致區長全體辭退幸經三縣暨正副所長等轉圜其說以同是擔任地方公益遇事和衷商酌不受節制衆始無言而散

浙撫札設議案審查委員○浙撫增中丞札各司道云照得諮議局將次成立現在假定議長副議長均已舉定所有該局關防業經批飭諮議局籌辦處移送啟用所有本部院應行提議各案亟宜早日編訂發布非先行籌設議案審查委員會由本部院特派專員並由主管事務各官廳各選派委員共同組織將應行提議事項詳晰調查妥爲編訂以昭慎重除分飭外合將籌設議案審查委員會綱要札發札到即便遵照限文到三日內將應行選派之委員趕緊派定尅日詳覆毋稍遲延切切特札 計黏抄籌設議案審查委員會綱要 一本會爲對於諮議局預備提議之案而設先由主管事務官廳各選派委員將應行提議事項調查編訂然後組織審查議案委員會以備編核議案而資接洽 二審查委員在本院則自行送派多或六員少則三員在各官廳亦自行選派多或四員少或二員同時具報於本院以備召集 三各審查委員派出後先就各該官該所掌管事項應行提議者詳細調查編訂具報本院以備採取然後由本院指定日期傳集開會其會場由本院選定 四審查委員會隔三日一次或繼續行之先由本院將各官廳具報事項編訂議案大綱分別開列然後由委員會逐項審

核討議之其如何審核討議一切方法由委員於第一次會議時自行議定 五會議時有認出各官廳具報之事項尚有缺漏或材料不足時仍由該官廳所派之委員前往調查以資補助 六審查委員隨時應本院命令指派二三員赴諮議局議員預備議案處調查該局之議案該局亦得隨時派員到本會調查一切 七諮議局開正式會議各官廳長官蒞會有提議答覆之情事時得率帶審查委員二人一併蒞會作臨時顧問 八審查委員有應長官命令蒞會於諮議局代長官報告答覆之責如長官遇有不能蒞會時亦得以所派審查委員作為代表

### 外 交

呈請保護遊歷外人 ○督憲據津海關道呈德領事克尼平赴直隸蒙古遊歷隨員德國陸軍參將阿拉斯砲師薛士康及德文繙譯杜芳洲英文繙譯恩澤等護照請加印又英女教師白忠信黨翠珠均由津赴直隸河南山東山西陝西湖北甘肅游歷又英商樂賓步赴直隸山西陝西甘肅新疆內外蒙古游歷又德國商人巴爾科由津赴直隸省一帶地方游歷各等情已分別札行遵照矣

外交研究會開幕 ○桂省李觀察在龍州議設外交研究會日前為該會開幕之期午前八時政學紳商各界入會者共四十二人即以道署花廳為會所先由李觀察宣布兩問題一以越鹽借過龍河一案久未議決應如何與法領覆議始不失我國主權凡緝罰私銷一切稽查如何乃能完全一為邊防對汎應如何稽查護照應如何實行經費應如何添籌特令蒞會各員詳細研究辦法逐條陳說旋由各會員同上祝詞後由南關汎員王幼柘君水口汎員徐寶潛君先後將兩問題研究陳說經眾人討論五時之久尙未判決聞翌日復行開會研究

### 學 務

通飭整頓學堂攷試 ○江甯提學使札各屬文云學堂教員以增進學生學業養成學生人格為職任對於學生固不容憑權壓制亦不得曲意阿私乃本司訪聞各處教員意圖見好學生或於考前先示試題範圍使學生祇就範圍內用功不將一切功課留心溫習又以臨時有恃無恐平日聽受亦不認真此等舉動不特違背章程實屬虧損道德其貽害於教育及學生之前途者良非淺鮮亟應責成各學堂監督堂長切實查禁如查出教員有此

等弊竇即將該教員斥退並將各學生另行考試如分數懸殊係學期考試則降班補習係畢業攷試則落第不准畢業以示懲戒至各屬教育會勸學所為學務樞紐並望隨時查察糾正以補各監督堂長之不逮

高等畢業生定期給憑○蘇省高等學堂正科學生業於暑假前考試畢業現蘇撫瑞中丞定期八月初七日親蒞學堂獎給文憑聞此次畢業共有八十餘人分給通判知縣舉人內閣中書等四項出身云

民事

調查戶數實行獎勵○江西巡警道張觀察前札行各屬調查戶數限期四月十五以前劃分區域五月底查齊六月十五日填表送省依限辦理者詳記大功逾限者記過撤任茲限期已滿查南城安福等十州縣戶數船戶各表均已送齊又瀘溪星子等十八縣已送到戶數表自應照章給獎因請將南城縣倪廷慶安福縣錢昌瀾廣昌縣李慶恩義甯州杜璘光彭澤縣陳麟蔚高安縣舒龍夔金谿縣徐紹熙靖安縣余嘉珍進賢縣沙昌壽安遠縣高洵各記大功二次瀘溪縣朱兆麟星子縣劉仁壽興安縣文丙廣豐縣張超貴溪縣劉贊分宜縣李家楨萬年縣楊鳳翔吉水縣陳宗楷永新縣陳守謙樂平縣石守謙玉山縣王慶大弋陽縣孫增安義縣汪春源鄱陽縣沈善謙崇義縣劉昌言南豐縣馬天翻龍南縣宋承綬萬安縣王作綽各記大功一次以昭激勵其未查報之各縣特專札嚴催如果逾限即行記過撤任業已通飭遵照矣

鄂垣興建市房落成○前任湖北勸業道鄒元汴觀察曾因城內房屋租金之貴較昔奚止一倍經稟明督院推廣市廛在於平湖門外購就荒基起造房屋仿照漢口華景街樣式業已落成四弄四里並由巡警道在該處設一守望所以資守護不日再行推廣興工以興市面云

路礦

考試鐵路管理學生○郵傳部定期於本月二十三日十七十九日按科分期考試鐵路管理傳習所各學生每屆考期各學生均須於九鐘前在郵署後之鐵路管理傳習所齊集聽候點名考試

稟請派員履勘礦苗○河南光州屬商城縣劉紳向在美國學習礦科夏間畢業回國因該縣龍牙山傳有礦產特往察勘勒得銅礦三處含苗頗旺稟請礦務局派員履驗以便籌議開採

十二各州縣市面通用銀兩其平色種類若何

十三本地有大害於民間者爲何事

十五全省財政可分兩級皆可分正項及非正項兩種正項有案卷可查其非正項一種尤難詳知而直接有大耗於民務望加以精確之調查

第一級民（正項爲納於國者如地丁之類）（非正項爲陋規中飽之類舉其例如酒櫃浮收訴訟之投狀有費跪堂有費以及關卡查驗船隻照票過籤種種陋規皆是）

第二級各府廳州縣官（正項爲解省之款）（非正項舉其例如州縣之辦公經費及房費等釐卡之節省局用等款皆是）

#### 附會員規則

第一條 凡同省人有贊同本會宗旨者但有本會會員一人之介紹卽爲本會會員

第二條 凡本會會員無年齡職業之制限惟依法律剝奪公權者不得爲本會會員

第三條 凡本會會員皆有擔任本會事務所之責

第四條 凡本會會員對於本會章程規則皆有必應遵守之義務

第五條 凡本會會員有違反本會宗旨及妨害本會事業者經開會決議得宣布令其退會

#### 江蘇甯屬籌辦地方自治總局及各屬辦事次序表

謹按籌辦自治條理紛繁日本變法之初以其事聽之府縣不能辦理者官不之強惟已經成立者不許撤銷而已我國立憲期限之迫與各地財政之艱較之日本難尤倍蓰憲政籌備清單自光緒三十四年至宣統六年歷七年之久而後廳州縣以下自治一律成立良以其事至難非諮議局之籌辦僅僅一調查一選舉者所可比也本表以設立研究所爲入手辦法次之以調查戶口以定其區域又次之以清理公產以覘其財力又次之以籌設各級議事會董事會公所以植其基礎而後以選舉終焉總以循序漸進不誤自治成立期限爲主爲表如左

計開

第一年 宣統元年

遵照憲政籌備清單本年應籌辦城鎮鄉地方自治設立研究所及調查人戶總數

一 設立省垣自治研究所通飭各屬選送學生入所肄業 業於去年辦成並區別官費自費分班先後畢業

一 遵照民政部調查戶口章程實行調查並將元甯兩縣提前趕辦業於本年分別區段實行調查

一 遵照部章編訂調查細則頒發各屬 已辦

一 通飭各屬劃分區段設立調查處 已辦

一 通飭各屬遵章設立研究所 限五月發行

一 頒發調查表式於各廳州縣 限六月發行

一 各屬設立總調查所籌議調查戶口事宜 限七月籌議

一 各屬劃分區段設立分調查處並申報情形於本局 限九月報齊

一 各屬實行調查戶數 限十月開辦

一 各屬籌設自治研究所並申報情形於本局 限十二月申報

第二年 宣統二年

遵照憲政籌備清單本年應續辦城鎮鄉地方自治籌辦廳州縣地方自治及彙報人戶總數

一 各屬研究所一律開學 限正月開辦

一 通飭各地方督同紳士調查地方公產 限正月發行

一 各屬籌議調查公產辦法並豫定分期調查表申報本局 限四月申報

一 各屬實行公產之調查 限五月開辦

一 各屬申報戶數冊 限七月報齊

一 審定各屬戶數冊 限八月辦齊

一 各屬實行調查口數 限八月開辦

# 傷風貽患

天津逆旅主人自述可畏之經歷嘗遺書致謝韋廉士大醫生紅色補丸其使重作康健有力之人焉  
傷風一症最易釀成危疾即如天津法租界佛照樓棧主王君恩普嘗明證其所經歷而作保證書如左云○半年  
前余身素康健無異常人偶因感冒風寒初起於胸際曾服各藥罔見效驗病勢日甚一日繼至咯血每晨興時咳



嗽不止必越數分鐘之久痛極難堪迨勢過後殊覺氣喘乏力未幾甚輭弱衰頹異常  
余為一棧之主辦事殊費氣力誠恐應酬不週有失仕商賜顧所以遍覓良方亟思醫  
治無奈嘗試各種丹藥非惟無益抑且加重後至睡臥床榻計三禮拜有餘勢日沉重  
咳頻頻加咯血多次幾全愈之望一日偶閱天津新聞紙見有所載證書與余病相  
同而為韋廉士大醫生紅色補丸所治愈者爰倩人至天津法租界衛生大藥房取購  
一瓶依法服食幾乎頓覺瘥咳亦減故耐心入服氣力日增直至十分全愈而後  
已今者咳嗽斷絕咯血亦止體健勝於疇昔雖年屆五十有五而精神更形充足矣愈  
深信韋廉士大醫生紅色補丸有生長新力之奇功確知余病實為紅色補丸所治也  
甚願將余所言實情探登報端以告世之同病者○韋廉士大醫生紅色補丸治王  
君恩普之症即使其血鮮紅稠濃俾體康復原會經醫治數千萬人所患之症即如  
是丸常以此法由血中經過使其身體康復原會經醫治數千萬人所患之症即如  
頭暈 血虧 山林瘴氣 諸虛百損 少年虧損 腎骨痠痛 左癱右瘓 腳氣衝心 瘡疥疔疹  
皮膚諸症 以及婦科各症 月經不調 氣鬱不舒等症是也 韋廉士大醫生紅色補丸中國各處商店經售  
西藥之處均有代售或直向上海九江路B字第八號 韋廉士大醫生藥局總發行處購買亦可 價銀每六瓶大  
洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟

# 縱覽會

本月二十日至二十六日本場開第四次縱覽會前四日男客入覽後三日女客入  
覽每日由上午十二鐘至下午六鐘無論官紳士庶均可進場游觀藉開風氣不取  
分文 天津河北路寶實習工場謹白

# 新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋客等創設  
 新廠自丁未臘月新廠開機以來出貨加增行銷愈廣灰質經本廠西洋化驗  
 師悉心研究精益求精會寄由德國國家栢林及日本關東都督府各化驗所  
 驗得勁力堅力及凝結時刻灰之粗細均合要工所用其成色與外洋最高之  
 貨相等尚有機器製造之缸磚花磚洋灰瓦水溝管矸子土等項無論躉零交  
 易均可本公司總理處設在天津海大道英租界並在北京奉天大連烟台牛  
 莊青島上海漢口南京鎮江各埠均設有經售處如蒙賜訂大批價值從廉  
 交貨不悞期限所有洋灰及各種磚瓦等件重量式樣大概用法另刊有華洋  
 文廣告 光顧諸君請向本公司索閱面議一切可也

德律風一千三百零九號

# 德利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁  
 關洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶  
 鑽石戒指留耳墜鐲子表墜大小八音盒並留聲話匣單雙桶千里眼砧蘭磨花穿衣鏡妝梳洋鏡

本行主人啟

# 瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢  
 緞紗羅顯繡絨洋貨布疋各色喇厚呢京廣什貨俱全貨高價廉劃一不二後廳內專售  
 線貨織絨袍料衣包被套口袋線毯毛毯零賣均照行價發兌中外紳商賜顧移玉是幸  
 瑞林祥元記具

# 武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額  
 磁銅料器磁藍 奇巧美術玩器 學界文房用品 旋行携帶等件 精工鑲身物料  
 定織各色屠氈 現又擴充樓房 極其寬闊高大 如蒙官商光顧 價值格外從廉  
 本行隨便入覽 電話一千三百七十四號 天津法租界 武齋洋行謹啓

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇旱乾即成凶稔現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難彌給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發同堪設想今日甘民之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

奏辦京師自來水有限公司開北京正式股東會訂期廣告

啟者本公司自上年四月奉農工商部奏辦期以來各項工程漸有端緒約計年內可以開市售水亟應開股東會研究營業方針以期推行盡利復因南方股東路途未易北來赴會議事特擬於北京漢口兩處各開會一日業經呈部核准在案除漢口開會應俟擇定期日另登南方各報廣告外茲定於九月初五日下午二鐘先在北京前門內西城根本公司開正式股東會提議一切事件應請諸位股東自九月初一日起至初三日止各帶股票赴本公司驗明填給入場券屆期即可持券入會如不先領入場券臨時礙難接待再股東領入場券時務祈將姓氏籍貫住址開示以便遇事通函再在北京赴會之股東不得再往漢口與會合併聲明謹啟

京奉鐵路廣告

啟者本月十九日京張鐵路舉行開車禮是日日本路由天津上午八點五十分開往北京之快車並由北京下午四點三十五分開來天津之快車均在豐台車站停數分鐘以便赴會各官商在該站上下特此佈聞

商務印書館出版各書上海總發行所 分館 發售

版式大小謹遵

商務印書館恭印

欽定大清會典事例全書 會典 會典圖 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖十二函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期其初羌無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四冊定價一元五角茲因諮議局不日開辦趕將前二冊先行出版後二冊七月出版預定者實價一元收到書價後即交前二冊並付收條俟後二冊出版時憑條取書特此預告外埠郵費照加

天津分館開設 河北大胡同 電話五百二十六號

天津商務印書館新書出版

七月二十五日至八月十五日代收甘肅賑捐第四期報告清單

永豐棧一元 名利棧五角 天興棧五角 協和棧五角 春元棧五角 泰安棧一元 永源棧一元 永豐  
 東一元 鴻順棧五角 天慶棧五角 聚仙棧五角 義豐棧一元 福茂棧一元 會仙棧六角 三義棧五  
 角 阜豐棧一元(以上黃克敷代募洋十一元六角) 許殿棟一元 趙德成一元 初濟清一元 程次瑤一  
 元 隆定安一元 陳霞谷一元 高重翔一元 陳式澤一元 陳咨言一元 趙昌麒一元 李捷三一元  
 金良驥一元 孫如鑑一元 馮澤春一元 陳式度一元 蒲毓善一元 吳永涵一元 劉兆麒一元 鄧价  
 一元 徐棟材一元 張書紳一元 趙增祿一元(以上馮澤春代募洋二十二元) 吉人二元 文元二元  
 陳大文一元 劉書雲一元 楊灝生二元 文惠一元 崔鳳章一元 徐瑞卿一元 恩惠二元 石立坊一  
 元 高文魁一元(以上葆心泉代募洋十五元) 盧仲升一元 王立中一元 張錫周二元 朱得志一元 盧  
 尙樓一元 張恩麒一元 王寶珊一元 湯澤清二元(以上孫蓉圖代募洋十元) 周亨德一元 趙文炳一  
 元 謝克楨一元 高弼諧一元 劉錫宸一元 徐樹基一元 劉世楷二元 蔣式鈞一元 朱鶴岑二元  
 周景薰一元 管啓衛一元 姚家麟一元 李應庚一元 鄒政楷一元 劉祚才一元 李惟熙一元 盧少  
 甫一元 石駿聲一元 呂烈輝十元 劉毓源一元 戴國琛一元 杜宗預一元 顧乃猷一元 呂純吾一  
 元 張振聲一元 韓其銘一元 王雙純一元 雷震霖三元(以上雷震霖代募洋四十一元) 閔榮爵銀五  
 十兩(籌款局六百四十一號起至六百五十號止) 孫鳴皋三十兩 趙宏濬二十元 程慶曦十元 陳秉偉十  
 元 鄭觀沂十元 張琳十元 唐應夔銀十二兩 崔榮桂五元 夏兆慶五元 吳保裕五元 王祖善五元  
 章士欽五元 孫蔭五元 趙克勤一元 查祖烈二元 張家謙一元 李壽培一元 朱景榮六元 吳家  
 俊一元 施叢桂一元 李毅林一元 阮徵三一元(以上六百四十一號洋一百五元銀九十二兩) 石立坊  
 銀十五兩 同泰裕三兩 萬順興四兩 鄭文煒十兩 聚隆號三兩(以上六百四十二號銀三十五兩) 長  
 慶十元 陳鈺十五元 寶聚源五元 阮志復五元 饒幼馨五元 何炳壯十元 章步青十元 郭思賢二  
 元 段溶源二元 施仁壽二元 張怡二元 熊熙二元(以上六百四十三號洋七十元) (未完)

前匯賑款甘省覆電廣告

賑撫局鑒感電悉甘災遠勞垂拯籌集鉅款謹率災黎叩謝公足銀八千兩已收到望轉致商會諸君及丁觀察為  
 感此間疊次得雨秋禾芄茂可望有收各省捐款絡繹一時似已敷用並聞蕃蒸

# 本局廣告

本局承辦印刷研究  
 精良近益不惜重資  
 延聘外洋著名工師  
 添購新式機器精製  
 雕刻銅版所有承印  
 各種紙幣股票等件  
 圖畫精巧色澤鮮明  
 紙質堅緻屢蒙中外  
 外官商照顧頗加獎  
 譽茲為推廣招徠起  
 見自本年承印各  
 項價目格外減讓以  
 副官商雅意如蒙  
 賜顧請至本局賬  
 房面議可也

## 京張鐵路通車廣告

啓者本路工程告竣已通車至張家口現奉 郵傳部憲諭擇於本月十九日在南口舉行開車禮邀請中外官商蒞會業經分柬邀請是日凡有請柬者祈至西直門及豐台車站驗票登車至南口後憑入場券請赴茶會所有由西直門及豐台開行時刻次數暨回京時刻分列於後

八月十九日京張鐵路各次車開到時刻單

### 計開

#### 特別專車

第一次上午九點由西直門開  
 第二次上午十點由西直門開

十點十五分到南口  
 十一點十五分到南口

#### 豐台至南口專車

第一次上午八點三十分由西直門開  
 第二次上午九點十五分由豐台開  
 第三次上午九點三十分由西直門開  
 第四次上午十一點三十分由豐台開

九點四十五分到南口  
 十一點三十四分到南口  
 十點四十六分到南口  
 下午一點十分到南口

#### 南口回豐台西直門專車

第一次下午三點由南口開  
 第二次下午三點十五分由南口開  
 第三次下午四點由南口開  
 第四次下午五點由南口開

四點四十分到豐台  
 四點五十四分到豐台  
 五點零七分到西直門  
 六點零七分到西直門

#### 張家口至南口往返專車

十九日上午六點由張家口開  
 下午三點由南口開

十二點到南口  
 九點到張家口